



Broj: 04/5-02-1026/22

Datum: 26.05.2022.godine

ZAPISNIK

Sa 2. sjednice Vijeća nacionalnih manjina Federacije Bosne i Hercegovine, održane 26.05.2022.godine

Druga sjednica Vijeća nacionalnih manjina Federacije Bosne i Hercegovine održana je 26.05.2022.godine, sa početkom u 12,00 sati.

Prisutni na sjednici su bili sljedeći članovi:

Sjednici nisu prisustvovali:

Sjednicom je predsjedavala Hidajeta Redžić, predsjedavajuća Vijeća nacionalnih manjina Federacije Bosne i Hercegovine.

Za 2. sjednicu Vijeća nacionalnih manjina Federacije Bosne i Hercegovine predložen je sljedeći:

DNEVNI RED

1. Usvajanje zapisnika sa Konstituirajuće sjednice Vijeća nacionalnih manjina FBiH;
2. Razmatranje prijedloga Programa rada Vijeća nacionalnih manjina FBiH za 2022. godinu;
3. Razmatranje Finansijskog plana Vijeća nacionalnih manjina FBiH za 2022. godinu;
4. Informacija o postupku izmjene i dopune Zakona o zaštiti prava pripadnika nacionalnih manjina u Federaciji Bosne i Hercegovine („Službene novine Federacije BiH“, broj: 56/08) – materijal OSCE u BiH;
5. Informacija o visini naknade za rad u Vijeću (Odluka Administrativne komisije Predstavničkog doma Parlamenta FBiH i prijedlog izmjene Odluke);
6. Tekuća pitanja.

Hidajeta Redžić, predsjedavajuća Vijeća nacionalnih manjina Federacije Bosne i Hercegovine je stavila na glasanje predloženi Dnevni red, koji je jednoglasno usvojen.

1. Usvajanje zapisnika sa Konstituirajuće sjednice Vijeća nacionalnih manjina FBiH;

Predsjedavajuća Vijeća je pozvala prisutne članove na glasanje o usvajanju zapisnika sa Konstituirajuće sjednice Vijeća Nacionalnih manjina, napomenuvši da ukoliko ima neko primjedbe ili sugestije da iznese iste. Kako nije bilo primjedbi, **zapisnik je jednoglasno usvojen.**

2. i 3. Razmatranje prijedloga Programa rada Vijeća nacionalnih manjina FBiH za 2022. godinu; Razmatranje Finansijskog plana Vijeća nacionalnih manjina FBiH za 2022. godinu;

Hidajeta Redžić, Predsjedavajuća Vijeća je predložila da se tačka 2 i tačka 3. raspravljaju zajedno, iz razloga jer su usko povezane te međusobno zavisne. Predsjedavajuća je istakla da je poslala svim članovima pomenute dokumente te pozvala članove da daju mišljenje na iste. Članovi Vijeća su iznijeli

pozitivno mišljenje na dokumente. Dženina Zejnullahu istakla je da je detaljno pročitala Program rada te je mišljenja da je Program odličan zato što je u njega uvršten plan posjete udruženjima nacionalnih manjina i unutar i izvan Bosne i Hercegovine. Ujedno, izrazila je zabrinutost u pogledu realizovanja Programa rada u smislu finansiranja, problemom sa kojim se, kako je istakla, Vijeće suočava već određeni period. Što se tiče Finansijskog plana, predloženo je da se predviđeni troškovi povećaju minimalno 10% po stavki. Vijeće nacionalnih manjina je izijelo mišljenje da su saglasni, uz određene primjedbe a na čemu će se raditi na narednim sjednicama Vijeća, sa Programom rada i Finansijskim planom Vijeća nacionalnih manjina.

4. Informacija o postupku izmjene i dopune Zakona o zaštiti prava pripadnika nacionalnih manjina u Federaciji Bosne i Hercegovine („Službene novine Federacije BiH“, broj:56/08) – materijal OSCE u BiH;

Za riječ se javila Dženina Zejnullahu te istakla kako federalni nivo u smislu donošenja i provođenja zakona treba da prati državni nivo, međutim saradnja Vijeća nacionalnih manjina FBiH i Vijeća nacionalnih manjina BiH je na nezavidnom nivou. Predsjedavajuća i Dženina Zejnullahu su izrazile zahvalnost OSCE-u u BiH na izradi Zakona o zaštiti prava pripadnika nacionalnih manjina u Federaciji Bosne i Hercegovine. Dženina Zejnullahu je istakla da je bolje da se ide u smjeru dopune ovog Zakona zbog složenosti samog procesa, te mogućih komplikacija koje bi bile nepovoljne za nacionalne manjine u Federaciji BiH. Predsjedavajuća je istakla da je težište svih izmjena na poglavlju broj 8. Predsjedavajuća je mišljenja da je OSCE jako dobro i pregledno uradio materijale za izmjenu i dopunu Zakona o zaštiti prava pripadnika nacionalnih manjina u Federaciji Bosne i Hercegovine, te da će Vijeće u narednom periodu uložiti napore kako bi Zakon na entitetskom nivou imao sve one dobre komponente Zakona koji tretiraju prava nacionalnih manjina na drugim nivoima vlasti u BiH. Za riječ se javio Velibor Kuvač te tom prilikom istakao da je Vijeće nacionalnih manjina savjetodavni organ i sve Odluke donosi Parlament kao najviše zakonodavno tijelo Federacije. U tom smislu Vijeće može samo predložiti izmjenu i dopunu Zakona, a konačne odluke i zakone donosi Parlament uz preporuke i mišljenja nadležnih radnih tijela. Predsjedavajuća je upoznala Vijeće da je održan sastanak sa OSCE-om na temu ovog Zakona na kojem je prisustvovala zajedno sa Dženinom Zejnullahu, predstavnikom Ministarstva pravde i predsjednicom komisije za ljudska prava Predstavničkog doma, na kojem je dogovoreno kako Vijeću nacionalnih manjina ne može se nametnuti ništa bez njihovog znanja, mišljenja i odobrenja. Dženina Zejnullahu je mišljenja da svaki član Vijeća, sa odruženjima svoje nacionalne manjine, treba da pročita prijedlog izmijenjena i dopuna Zakona o zaštiti prava pripadnika nacionalnih manjina u Federaciji Bosne i Hercegovine, konsultuje se sa njima, te kada dođe vrijeme da se na sjednici Vijeća glasa o Prijedlogu zakona, iznese mišljenje nacionalne manjine koju u Vijeću zastupa a ne samo personalno mišljenje.

5. Informacija o visini naknade za rad u Vijeću (Odluka Administrativne komisije Predstavničkog doma Parlamenta FBiH i prijedlog izmjene Odluke);

Predsjedavajuća Vijeća je upoznala članove o pozivu na sastanak Administrativne komisije Predstavničkog doma Parlamenta FBiH, koja će se održati 31.05.2022.godine u zgradi Parlamenta Federacije. Predsjedavajuća je istakla da će prisustvovati sastanku uz prisustvo stručne osobe koja će biti upoznata sa problematikom u smislu visine naknade za rad u Vijeću i koja će na nabolji mogući način da brani stavove i interese Vijeća. Predsjedavajuća je predstavila prijedlog izmjene Odluke Administrativne komisije Predstavničkog doma. Prijedlog izmjene se odnosi na uvećanje naknade članova Vijeća sa 100 konvertibilnih maraka na 250 konvertibilnih maraka jer visina budžeta Vijeća može da podnese pomenuto uvećanje. Hidajeta Redžić je iznijela mišljenje da nije neophodno da kao predsjedavajuća dobija veću naknadu u odnosu na ostale članove Vijeća i da je spremna da se izjednače naknade ukoliko bi Administrativna komisija odobrila zahtjev za uvećanje naknade, odnosno izmijenila Odluku kojom je odbila pomenuti Zahtjev. Sekretar Vijeća, Alma Ramić je istakla kako je prema Odluci Predstavničkog doma, odlučeno da se naknade Vijeću isplaćuju od 31.03.2022. godine a da se



Administrativna komisija Doma naroda nije sastala pa samim tim ni odlučivala o Zahtjevu Vijeća za uvećanje naknade za rad. Također Alma Ramić na ovu temu je istakla kako u Odluci Administrativne komisije je navedeno da stupanjem na snagu Odluke prethodna prestaje da važi. Nadovezala se Predsjedavajuća Vijeća i istakla da prije nego je usvojen budžet donesena Odluka o privremenom finansiranju čiji je rok trajanja bio tri mjeseca, te ne vidi razlog da iz te Odluke samo Vijeće bude izostavljeno. Vijeće nacionalnih manjina je donijelo

ZAKLJUČAK

Vijeće nacionalnih manjina smatra da je naknada od sto konvertibilnih maraka za rad u Vijeću u odnosu na visinu budžeta sramotna, da je Vijeće u odnosu na druga radna tijela Parlamenta FBiH diskriminirano Odlukom Administrativne komisije Predstavničkog doma, te Vijeće nacionalnih manjina FBiH traži uvećanje naknade.

6. Tekuća pitanja.

Na adresu Vijeća nacionalnih manjina su pristigla dva emaila. Prvi email se odnosi na obavještenje člana Vijeća, Edin Sejdića, kojim obavještava Vijeće da više nije u mogućnosti obavljati funkciju člana Vijeća nacionalnih manjina zbog zaposlenja izvan Bosne i Hercegovine, te je predložio da umjesto njega za člana se imenuje Mujo Fafulić. Predsjedavajuća je predložila da Vijeće sastavi prijedlog izmjene i dopune Odluke o imenovanju članova Vijeća nacionalnih manjina, kako je i predviđeno.

Drugi email se odnosi na poziv na učešće u projektu u sklopu predavanja „Svi Bosanci i Hercegovci bez obzira na različitost“ upućen Vijeću od strane Nermina Bošnjaka, autora knjige „Nesalomljivi“. Predavanje bi se održalo u prostorijama fondacije Konrad Adenauer. Predavanju bi prisustvovalo petnaest nacionalnih manjina koje žive na prostoru Bosne i Hercegovine. Nermin Bošnjak je naveo kako bi se predavanje održalo u drugoj polovini juna 2022.godine te zamolio Vijeće za pomoć pri obavještavanju i pozivanju pripadnika nacionalnih manjina sa područja Federacije BiH. Članovi Vijeća su odlučili da će email Nermina Bošnjaka proslijediti svim udruženjima nacionalnih manjina u FBiH.

Za kraj, Predsjedavajuća je obavijestila Vijeće da će se održati vanredna sjednica 02.06.2022. godine, a da će o terminu biti naknadno obaviješteni.

Sjednica je završena u 13,00 sati.

PREDSJEDAVALA VJEĆA

Hidajeta Redžić